



QUÆSTIO MEDICA,

QUOD LIBETARIIS DISPUTATIONIBUS
manè discutienda, in Scholis Medicorum, die Mercurii
vigesima-tertiâ Decembris.

M. PETRO LE TONNELIER, Doctore
Medico, Præside.

An Scorbutus agritudo nova?

I.

QUÆQUE dies, quævis hora nos mutat. moles nostra blandissimis liquoribus rigata, innumeris instructa Machinulis, tot miranda functionibus, sensim deperit, & in dies extenuatur. Tot hominem circumstant mala, ut ab illis vix momento sit liber: in seminibus ipsis, quæ vitæ primordia sunt, fœcunda latent mortis germina. Heu mortalis indocilis agritudinem pati! Dum loqueris, fugit ætas invida, & vitæ tuæ aliquid perpetuò detrahitur, nullo modo reponendum. Hac stant omnia lege. Perennis & constans partium harmonia, nulli materiæ concessa est; aut juvant, aut nocent fugaces ejus molecule; pro vario situ, mole, figura, impetu hostiles vel amicas agunt impressiones. Hinc actionum integritas, depravatio; illa expedito partium insensibilium motui, hæc earundem intricato tribuitur: Sic corpus salubre, insalubre. Status neuter in quo quasi mutat homo inter morbum & sanitatem, non datur, siquidem verè morbus est. Ut ut sit, dira non cessat œconomix corporeæ in de terriùs mutatio: imò partes meliores vitæ, sitis nimirum lata, quæ sita fames, somnus quietus, habitus boni ad summum progressi aliquid grave minantur; unde omnibus semel calcanda via lethi, seriùs, ocyùs, pro variâ temperie, quæ tandiù laudabilis quandiù liquorum legitimus impulsus; horum si quis crudus, viscidus, hærens, spissigradus ve deerret, tunc oritur affectio scorbutica, Hippocrati, veteribusque aliis non incognita, omni ætati, sexui, regioni communis, nullumque, ne mirere, caput sœva fugit.

QUAM tetra, quàm horrenda scorbutum comitantur sympto-
mata ! Cephalalgiae constantes ; pertinaces vigiliae , diuturnae
febres , molesta tussis , praecordiorum gravitas saepius ad deliquium,
nausea , vomitus , cardialgiae , lienis durities , hypochondriorum ten-
sio , diri ventris cruciatus , quibusvis medicamentis aegre curabiles ,
crurum debilitas , lassitudo &c. immanis adeo affectus veluti toti-
dem pedissequi. Contumacem hunc hostem , crudioris sanguinis sobo-
lem , ni , cum primum saevit , edomare contendas , tota pessum eat homi-
nis machina necessum est ; imò magis ac magis furens , crudelius de-
bacchatur. jamjam difficili sanguine cor tumens , quas prius ictibus
crebris , multum faciles arterias movebat , parcius quatit ; hinc li-
quorum penus nimias in partibus nectendo moras , illas non humidat ,
sed erodit , inordinationes spiritibus infert ; nervosumque omne genus
ferit ac dissociat : inde tumores , ulcera , exanthemata , partium
exsiccatio , marasmus , paralysis : singula quid referam ; nil non hor-
rendum oculis obversatur : vix cutis cohæret ossibus , frontem turpat
foedus color , gingivarum corruptio , os graveolens , dentes mobiles
& atri , turpis macies malas occupat , nec mens ipsa certâ sede manet.
Tam pernicioſa lues non unâ ratione virus suum passim diffundit ;
quâcumque ruit , furibunda ruit ; non hospes tutus ab hospite ;
imminet vir conjugis exitio , illa mariti. Verè malorum ilias scorbu-
tus , omnibus flebilis , nullis flebilior quàm procellosi maris Baltici
accolis totoque divisus orbe Britannis : in promptu causa est , hoc
habent septentrionales plagæ , ut præ cæteris malignorum salium
parentes feracissimæ multiplici acido abundant.

I I I.

TELLUS in aëre pendet circumfuso ; hoc nullus mortalium ,
vel temporis puncto , impunè carere potest : constans ejus in
pulmones actio , vitales inspirat motus ; furtim ingreditur , mox-
que effectus egerit ; sic reciprocatione mirâ respiratio procedit :
motricia hujus organa quaris ? Non alia , quàm thoracis musculi ;
diaphragma. Benè morati motus causam exoptulas ? Vis est aëris ela-
stica ; fracto quippè ejus elatere , partes confidunt , ac immotæ ja-
cent , vice versa , inspiratus aër elaterum vi pulmones collatat ;
horum cellulis , veluti totidem pneumaticis ductibus exceptus , eâ
quâ pollet partium tenuitate , cruoris penitiores porulos opplet ,
arctè compressus resilit , fluida agit in vortices , servandæ moli pro-
videt , ac sanitatis causas aperit , fovet , cumulat. Has dotes aëris
delibant multa ; procellæ , imbres , tonitruum fragores , circum-

stantium corporum effluvia ^{3.}jugiter illas labefactando enervant. Quibus inquinamenti non obnoxius aër : ab ipsis mundi incunabulis vitium fecit : Tot maria , tot lacus , tot flumina , furentibus miasmatis hunc derepentè venenarunt : temporum , ac tempestatum vicissitudines expertus , modò astrictus glacialibus ventis , ustus modò siccis fervoribus , à primigeniâ virtute descivit , ac hominem funditus pessumdedit. Ecquid mirum ! Viduus elateribus aër , nec sanguinem subigit , nec spirituum generationem promovet : hinc domesticâ liquorum agitatione sensim debilitatâ , innumeri pullulent morbi necessum est : tanta est vis aëris in corpus nostrum ! Ut ille vivendi causâ , ita & mortis via est ; quidquid delirat plectimur ; verbo dicam , pessimi aëris insolens mutatio , non tam morbos solvit , quam mutat.

I V.

S CORBUTI clades ab aëre vitiato derivata in populum fluxit ; undè intus forisq̃ue omni ævo desæviit : quonam amabo magis convenienti nomine designares febrem mundo coævam , foetum hercules materiæ crudæ & acidæ ! Qui melius vocares apoplexiam , lethargum , phtisim , peripneumoiam , partium inflammationes , tumores , aliaque id genus omnia ? si tot ægritudinum causâ eadem , succus nempe tartareus , lentus , divortii natus. Affectionem igitur scorbuticam fœculento humori qui tribuit , partes medici abundè deffendit : hanc vero plantam esse , cujus morbi omnes rami sunt , qui affirmat , rem acu tetigit , summamque operi imponit manum. Heu quantas ætate nostrâ radices agis arbos venenata , sacrilegâ manu , & nefasto die posita in perniciem nepotum. Quæ priscis temporibus quasi sepulta jacebas. Tanta mali labes , quæ olim larvata , & clanculùm misero homini strucebat insidias : nunc aperto Marte , vitæ fundamenta evertit , diruit : undè oriunda , adverte , paucis monstrabo : meminèris , cur prisca gens mortalium tam longæva ; cur nostra tam cito pereat ; illa continens in victu , patiens in labore ; nostra tota in epulis , & in otio. Mirum quot & quantis , hominum ingluvies cibos inquinavit. Salsâ & fumo indurata , cum elixis ; omni aromatum genere condita , cum assis , iniquis junxit amplexibus. Taceo potus benè multos , igneæ naturæ participes , dira gulæ lascivientis commenta ; voluptuaria venena potius dixeris. De incestis quoque amoribus sileo , in quos ruit , de tenero ungui , fœcunda culpæ juvenis , non secus ac torrens fracto obice sese per declivia præcipitans.

SENECTUS olim expectata diu ; nunc præmatura , innu-
meris morbis corpus obijcit ; scorbutum apprimè mentientibus
in sene gelidus sanguis , effecti spiritus , laboriosa respiratio , crū-
rum & pedum assiduus dolor somnos adimens , fibrarum exsiccatio,
in facie pallor , cava lumina , fætor in ore , dentium lapsus , veris
coloribus scorbutum , adumbrant. Senectutem igitur scorbutum esse
confirmatum, quovis seculo oblatum , decerrat , qui negaverit. Nemi-
nem latet apud Plinium mentionem fieri stomacaches & scelo-
tyrbes horrendi affectûs , quo milites Romani in maritimis Belgicæ
tractibus correpti sunt ; huncque unum ac eundem morbum , cum
scorbuto hodierno fuisse , certo certius est. Melancholici , Lienosi,
de quibus passim Hippocrates , scorbuticis , mutato nomine , ten-
tantur insultibus. *Qui phasin accolunt , præ cæteris fluminibus , maximè ,
statarium , molles sunt , & effæminati , crassissimi , colore luteo , tanquàm
arcuati , ictericive , loquuntur gravissimè , corpore sunt ad omnem laborem ,
& exercitationem pigerrimi : palustris enim est ea regio , aquosa , tempo-
ribusque cunctis , pluviis multis , jugibus , & magnis perfunditur , Et alibi
dictator idem. Qui magnum lienem habent , mali coloris sunt , malaque
ulcera contrahunt , maleque os olet , emaciantur , lien durefcit , &c.*

Hippo. lib.
de aëre ,
locis , &
aquis.

Hippo. de
passion. seu
morbis.
qui extra.
lib.

Non ergo Scorbutus ægritudo nova.

Domini Doctores disputaturi.

M. Joannes-Baptista Gabriel
Fressant.

M. Alexander-Petrus Mattot.

M. Petrus Bonnet-Bourdelor ,
Serenissima Ducissa Burgun-
dia Medicus Primarius , &
Regis perpetuò ordinarius.

M. Michael Sauvalle.

M. Claudius Bourdelin.
Regia Scientiarum Academia
socius.

M. Joannes-Baptista Renatus
Moreau , Professor Regius.

M. Claudius Burlet.

M. Joannes-Franciscus Foy-
vaillant.

M. Renatus le Conte.

Proponebat Parisiis AUGUSTINUS LIPPI , Parisinus ,
Baccalaureus Medicus. A. R. S. H. 1699.

Apud Franciscum Muguet , Regis & Facultatis Medicinæ
Typographum.